



Dispela taim WANTOK nuspepa i pasim nupela bilas. Nau em i olsem wanpela yangpela man i bikpela pinis na i lusim haus bilong papamama na i kisim nupela meri bilong em na i go wokim nupela haus na gaden bilong tupela stret.

WANTOK i bin mekim wankain. Em i bin lusim haus bilong papa bilong em long Wewak, we em i bin stap inap 6-pela yia. Nupela haus bilong WANTOK nuspepa em i stap nau long Port Moresby, klostu tru long ol bikopis bilong gavman.

Na tu wanpela bikpela tok save moa: WANTOK nuspepa nau i stat long kamaut olgeta wan wan wik. Na i no olgeta fotnait tasol, olsem bipo.

Bikpela wok bilong WANTOK nuspepa em i bilong painimautim as bilong nius. Yu save harim sotpela nius long redio bilong yu. Tasol WANTOK i gat wok long salim ripota bilong en i go painimaut na mumutim stori tru bihain long dispela nius.

Na olsem wanem? WANTOK nuspepa i save bihainim tok bilong wanpela sios o bilong wanpela politikal pati? Nogat tru.

Wanpela sentral komiti i save bosim WANTOK. Ol memba bilong dispela sentral komiti, ol i bilong Engliken Sios, na Katolik, na Luteran, na Yunaitet Sios. Na tu Evanjelikal Alaians i gat wanpela tokman i save kam long ol miting bilong sentral komiti. Olsem nau yu ken lukim: olgeta bikpela sios i bung wantaim long ranim WANTOK.

WANTOK em i wanpela kristen nuspepa. Em i min WANTOK nuspepa i mas bihainim lo bilong God na tok na pasin kristen. Em i min WANTOK nuspepa i tambu long trik o giaman. Em i tambu long bagarapim gutnem bilong narapela man.

Na wanpela samting yet. Em hia: WANTOK nuspepa i no bihainim wanpela politikal pati. Nogat. Em i fri. Em i independen.

Tasol em i no min bai WANTOK i pasim ai na maus na sanap nating. Nogat. Sapos WANTOK i ting wanpela lain o man o aidia o pasin i rong, orait, em bai tokaut. Em bai no haitim tok. Gutpela nuspepa i gat wok long skulim ol pipel long kain samting olsem. Nuspepa tru em i poroman na i wantok, olsem nem bilong mipela i tok. Nuspepa tru em i olsem gutpela pren tru. Em i no pret long sambai helpim yu. Em inap pait, sapos i gat gutpela as bilong pait.

WANTOK nuspepa i no ken lusim Tok Pisin. Nogat. Em i laik helpim go het olgeta wok bilong smolpela man - em dispela man i no save gut long Tok Inglis. WANTOK i laik helpim rural developmen, wok fama, ol vokesenel skul, wok bilong smolpela bisnisman.

Inap 6-pela yia nau moa olsem wan tausen manmeri i bin raitim pas i kam long WANTOK. Ol i bin autim wari bilong ol. Na moa olsem 150 taim WANTOK i bin prinim "Stori bilong Tumbuna", em ol rida yet i bin raitim. Olsem na mipela i ken tok stret: WANTOK i nuspepa bilong ol Papua Niugini stret. Na nau oltaim bai mipela i prinim dispela tok aninit long nem bilong mipela.

Sapos yu laik kamap smat, yu mas rit. Sapos yu laik kisim save, yu mas rit. Sapos yu laik win, yu mas rit. Olsem nau olgeta taim yu lukim dispela nem WANTOK long arere bilong en bai yu lukim piksa bilong man i ritim nuspepa.



Inap long planti mun nau, gavman i bin wok strong long statim 6-pela provinsal gavman. Em long Not Solomons, Is Nu Briten, Is Sepik, Simbu, Isten Hailans, na Sentral Provins.

Tasol planti pipel tumas i longlong tru long dispela aidia bilong provinsal gavman.

Planti nupela samting tumas i bin kam insait long kantri na gavman long tripela yia i go pinis. Pastaim ol pipel i bin harim planti toktok long selp gavman. Orait selp gavman i kamap. Ol pipel i no save gut yet long selp gavman, orait, nau wantu independens i

Provinsal Gavman em i wanem samting

kamap. Long dispela taim gavman i givim nem provins long ol distrik bilong bipo. Na man i bosim provins em provinsal komisina tasol. Orait, nau ol pipel i kirap lainim gen ol dispela nupela nem. Tasol ol i no ken sindaun malolo yet. Nau nupela nem gen i kamap, em long primia.

Primia, em husat? Gavman i tok, primia em i man bilong bosim provinsal gavman. Na ol pipel i askim olsem: Sapos primia i bosim provinsal gavman, bilong wanem i gat yet provinsal komisina? Bilong wanem em i no lusim namba bilong em? Na pasin longlong i go bikpela moa.

Dipatmen i gat hevi bi-long stretim dispela ol aidia, em Dipatmen bilong bosim ol Provins, na minita bilong en, em Mista Oskar Tammur. Planti man bilong em i wok hat nau long stretim ol dispela aidia. Na mipela tu i laik helpim ol.

Ating mobeta yumi kirap long bigin tru na olgeta taim wok long stretim wanpela aidia tasol. Nau yumi traim.

Bikgavman long Moresby na ol provinsal gavman


aninit long en, ol i olsem wanpela papa i gat planti pikinini man. Papa ya i gat wanpela bikpela gaden kopi tru. Tasol em wanpela i no laik bosim dispela bikpela gaden. Olsem na em i tilim hap hap gaden long wan wan pikinini man bilong em. Bai wanpela wanpela i bosim wan wan hap.

Wanpela wanpela pikinini man i bosim hap bilong em, i givim pe long ol wokman bilong em, i stretim trabel bilong ol. Sapos wokman i gat wari, em i no go long papa; nogat. Em i go long pikinini tasol.

Wok bilong provins na bikgavman i wankain. Bikgavman i tilimaut olkain pawa i go long han bilong ol provins. Sapos wanpela man i laik tok tok wantaim gavman, o em i laik stretim wari o trabel, em i no mas rait i go long Moresby. Nogat. Provinsal gavman inap long stretim tok.

Provinsal gavman i mekim gavman i kamap klostu long ol pipel. Gavman i no samting bilong longwe ples, bilong Moresby. Nau em i samting bilong klostu klostu.

Mista Oskar Tammur, Minista bilong ol Provins.



PAS I KAM LONG OL PIPEL

YU WANTAIM GOD INAP?

Dia Edita - Mi lukim ol sumatin bilong Bagi Vokesenel Senta i salim planti ol gutpela gutpela T set i gat olkain mak ol i prinim na i salim long ol pipel long Angoram maket. Em i gutpela tru, tasol, long tingting bilong mi, mi i no amamas tumas long dispela samting.

Long wanem, mi lukim wanpela toktok antap long dispela T set we ol i prinim olsem: "MI WANTAIM GOD INAP". Em i no stret long tingting bilong mi na nau mi tokaut.

Wantok, taim yu bin prinim dispela toktok "MI WANTAIM GOD INAP" em i min olsem yu i gat sem pawa olsem God. Na yu laik traime long resis wantaim God a, laka?

Ating yu husat tisa o sumatin bilong dispela vokesenel senta long Bagi, yu kranki liklik long lainim ol sumatin long dispela ol toktok antap long T set.

Pren, nau mi ken tokim yu stret olsem: yu i no inap long traime God bilong mitupela. God bilong mitupela em i gat moa moa pawa yet.

Yu i no inap long traime em. Mi no save. Ating yu bin traime God wanpela taim pinis. Olsem na yupela i bin prinim "MI WANTAIM GOD INAP" antap long ol T set a laka?

Wantok, yu husat yu bin prinim dispela, ating, yu yet yu i no tingting gut pastaim. Yu ting olsem wanpela God em i stret?

Yasaptong Mayang,
Angoram/E.S.P.

OL SIMBU LONG KIMBE

Dia Edita - Long Wantok namba 151, mi bin ritim toktok, o askim bilong Mista Joseph Teine lunage.

Mista lunage i askim Praim Minista, Mista Somare long gavman i painim graun bilong ol pipel bilong Simbu, em nau long dispela taim ol i sot long graun.

Tasol askim bilong Mista lunage na tok, Wes Nu Briten i gat irap graun we ol pipel inap long sindaun long en.

Yes, long tingting bilong mipela ol pipel bilong Wes Nu Briten, mipela i no laik bai gavman i bringim moa pipel Simbu i go insait long Wes Nu Briten.

Bilong wanem, nau long dispela taim, planti long ol Simbu i kisim blok insait long Wes Nu Briten, na kisim ol wantok bilong ol i go insait na stap wantaim ol. Na ol kosim pait na trabel insait long provins.

Na tu ol i kisim pasin bilong ples bilong ol long Simbu i go insait, em long pe bek, sapos wanpela wantok bilong ol ka i kilim o i bamim. Dispela kain pasin em mipela i no laikim insait long Wes Nu Briten.

Sapos gavman i laik baim o painim graun bilong ol Simbu pipel, i mobeta bai baim long narapela provins.

Bernard Keu,
Mt. Hagen,

YU PASIM BRUK BRUK TRAUSIS

Dia Edita - Mi laik bekim leta o pas bilong brata ya Bernard Pokaja bilong Erave. Bekim bilong mi i go olsem:

Long namba 16 de long mun Oktoba, 1976, mi bin ritim leta o pas bilong yu. Yu bin toktok long lusim bilas bilong tumbuna na kisim laplap bilong masta.

Yes, pren mi tokim yu, long taim bilong tumbuna i narakain. Long bipo tru ol tumbuna bilong yumi-tupela i save putim ol samting bilong bus. Na nau long dispela taim yumi kisim pasin bilong ol masta, i narakain. Yumi ken putim trausis o laplap bilong man.

Tasol sapos yu laik holim yet pasin bilong tumbuna, orait, yu mas stap long ples na no ken kam long taun.

Ating yu dispela man yu wok long toktok long bruk bruk trausis, yu no gat samting tru long haus bilong yu. Yu save toktok long ol man o long ol meri

tu. Sapos yu wok long toktok long ol meri, bai ol meri inap long mekim yu guria nating. Na sapos yu laik holim wanpela bai yu go long kalabus.

Ating em tasol pren bilong mi. Sapos yu laik bekim leta bilong mi, em i orait tru, o sapos yu laik yu ken rait i kam long mi long dispela adres.

Bruno H. Kumis,
Arawa/N.S.P.

WOM PIPEL AUTIM WARI

Dia Edita - Em hia mi gat wanpela wari, i no wari olsem bilong mi tasol. Nogat. Dispela wari i bilong mipela olgeta pipel bilong Wom. Wari bilong mipela i go olsem long ol kaunsila bilong yumi long Wewak-But Kaunsil na Provinsal Komisina, Mista Tony Bais.

Mipela i bin wari long wanem, nau long dispela mun mipela ol pipel bilong Wom, mipela i no gat tru liklik wara bilong ren i stap long ol dram o tang bilong mipela. Na mipela i bin bringim wari bilong mipela i go long komiti bilong ples na em i go kamap long ol kaunsila long Haus Kaunsil na bringim wari bilong mipela ol pipel bilong Wom.

Taim komiti i tokim ol kaunsil, ol i tokim em, yu wet na bai mipela i ring i go long Provinsal Komisina Mista Bais pastaim, bai em i tok wanem. Mista Bais i bekim tok olsem, yupela tokim dispela komiti bilong Wom mi no inap helpim ol pipel bilong en. Long wanem, ol i bin bikhet long mi sampela taim i go pinis.

Tasol tok Provinsal Komisina i mekim i no tru, mipela pipel i bin bikhet long em. Em long toktok bilong graun. Mipela pipel i gat pawa long toktok egensim gavman bilong mipela long graun bilong mipela. Dispela kantri i no komyunis kantri, bai gavman i ken onim olgeta samting.

Mipela pipel i bin safa stret long wara, tasol i no gat helpim i kam long ol kaunsila na Provinsal Ko-

misina bilong Is Sepik. Pipel i wari tru long wanem, mipela i yusim taiswara na planti i kisim sik long dispela wara nogut.

Kaunsil na Provinsal Komisina i mekim olsem bai mipela i askim husat inap long helpim mipela. Tu mipela pipel bilong Cape Wom mipela i no save peim takis long kaunsil? O mipela i save peim.

Em tasol ol wari mipela i gat long en. Sapos yu husat yu ting kaunsil na Provinsal Komisina bilong yumi i mekim gutpela pasin, orait, rait tasol long Wantok Nius. Sapos mipela bekim bek.

Zachary Kaiyen,
Cape Wom/E.S.P.

WES SEPIK WARI

Dia Edita - Wanpela samting mipela ol tisa bilong as ples long Wes Sepik, mipela lukim i no stret na em i bikpela wari bilong mipela. Dispela wari i wankain olsem Memba bilong Wes Sepik Rijenal i bin mekim.

Na plis ol memba bilong gavman, na ol hetman bilong olgeta dipatmen. Na harim gut na putim long het bilong yupela.

Mipela ol tisa bilong Wes Sepik i bilip olsem yupela i mekim Wes Sepik olsem ples bilong kisim trening long ol kain kain wok. Dispela i olsem, yupela i save rausim olkain man olsem ol provinsal komisina na provinsal suprintenden.

Ol i laik traime long helpim Wes Sepik, tasol yupela i save rausim ol hariap tru.

Yumi bilip long dispela tasol na Wes Sepik i save isi isi tru long develop.

Ating Wes Sepik em i provins bilong trenim ol man na i no bilong mekim em i go het.

Plis ol bikman, no ken mekim rabis long Wes Sepik a? Yumi tripela tisa i rait long nem bilong olgeta tisa.

Philip Bakema, Francis Karawe, na Tom Karis,
Aitape/W.S.P.

KRAI LONG MOA MANI

Dia Edita - Long ples bilong mi, mi harim ol nupela katekis ol i save komplem long ol tarangu ol olpela katekis.

Ol nupela katekis ol i laik bai ol pater ol i mas rausim ol olpela katekis na ol nupela katekis tasol i mas i stap, bai ol i ken kisim bikpela mani

Ol brata, ol nupela katekis, yupela i mas tingting pastaim, bihain yupela i ken komplem long ol olpela katekis.

Sapos yupela ol nupela katekis, yupela i laikim bikpela mani, i mobeta yupela i ken lusim katekis na yupela i ken go painim wok long gavman,

Ol olpela katekis bilong bipo, ol i olsem lam ol i laitim na putim insait long wanpela haus, na yupela nupela katekis yupela i kam na bihain laitim dispela lam.

J.K.M. Matelede,
Rabaul/E.N.B.P.

Sapos yu laik raitim pas na salim i kam, yu ken salim i go long tupela adres. Wanpela em i dispela:

WANTOK, P.O. BOX 1982, BOROKO.

Narapela em i olpela ya:

WANTOK, P.O. BOX 396, WEWAK.

Mipela i hepi tru long kisim pas bilong yu; na nau tu mipela i gat moa spes bilong raitim planti pas insait long pepa.

MAN I STORI LONG PASIN BILONG DRINK

Planti hevi em i save kamap long pasin bilong dring. Yumi save dring loliwara na sampela arapela dring. Dispela olgeta yumi dring long taim yumi hangre long dring wara. Long taim yumi save dring loliwara em i swit tru long nek bilong yumi, tasol yumi no save dring planti botol. Nogat. Olgeta wara yumi save dring em i gat as. Yumi hangre long wara, orait yumi save dring.

GUTPELA ASKIM

Bia em i olsem wara tasol, olsem na yumi save dring. Tasol bilong wanem yumi save dring planti? Ating as bilong yumi dring planti em i olsem: Yumi laik dring planti na em i ken bagarapim yumi na yumi ken spak na mekim sampela pasin nogut na mekim tok nogut na kros na pait samting.

Ol spakman ol i save tingting long bagarapim ol arapela na i laik mekim birua long ol tasol. Tasol dispela em i kranki tingting tru. Planti taim ol i save bagarapim ol yet. Planti i save dai. Na planti ol i save bihainim pasin pamuk na stil. Na ol i save go kalabus

long ol i mekim pasin nogut. Tok bilong God em i tokim yumi olsem: "Yupela i no ken DRING PLANTI na SPAK. Nogat. Dispela pasin em i save bagarapim yupela" (Efes 5:18).

BIA NO PASIM ROT

Planti Kristen ol i save tok, "Bia i no inap tru pasim rot bilong i go long heven." Tasol yumi mas tingting gut! Long taim yu dring planti na yu spak, a ting yu save long pasin yu save mekim na tok yu save autim? Dispela olgeta tok nogut na pasin nogut yumi save mekim, em i no stret tru long ai bilong God. Long dispela olgeta pasin i no stret, bai yumi no inap i go insait long kingdom bilong God. Long 1 Korin 6:10 yumi save ritim olsem: "Ol man i save spak olgeta dispela kain man bai ol i no kisim kingdom God."

MI YET LUKIM OLSEM

Mi laik tok klia long sampela hevi mi yet save lukim long ai bilong mi long dispela grau. Sampela man ol i tok olsem, "Bia

em i helpim mi long mi autim gutpela toktok long ol lain na famili bilong mi long ol i ken bihainim gutpela pasin long graun."

Na sampela lida bilong ol Kristen ol i save tok, "Dring em i helpim mi long sanap long ai bilong planti manmeri, na mi ken mekim gutpela toktok bilong helpim ol." Tasol nogat tru. Bia em i no helpim wanpela man long mekim wanpela gutpela tok o mekim gutpela wok bilong lain bilong en o famili o planti arapela manmeri. Nogat tru. Bia em inap tasol long helpim yumi long bagarapim famili bilong yumi na bagarapim bodi bilong yumi yet.

BRINGIM HEVI

Yes, olgeta Kristen manmeri. Ating yupela i lukim wanpela bikpela hevi i kamap namel long yumi Kristen? Dispela bikpela hevi em i olsem: Man i save dring na spak em i no inap tru long helpim papamama na brata na susa o meri pikinini bilong en stret. Planti gutpela Kristen meri ol i gat bel hevi long lukautim lain pikinini na ol yet.

Yupela man bilong taun,



Niugini Luteran Poto

yupela i save, nau pe bilong olgeta kaikai em i go antap tru. Na pe bilong bia tu em i go antap tru. Olsem na sapos man i save dring planti bia, bai em i save lusim olgeta mani long baim bia tasol na em i no tingting long baim kaikai long meri pikinini bilong em.

Long dispela pasin sampela meri ol i lusim man bilong ol. Na dispela pasin bilong brukim marit em i no stret long ai bilong God. Yupela i ting wanem long dispela? Ating man em i bringim dispela hevi o meri em i bringim hevi? Man i save dring planti bia em i bringim dispela hevi na em i brukim gutpela pasin bilong marit.

BIA PULIM MI

Sampela man, ol i save tok, "Mi no inap mekim rong." Tasol nogat. Bia em i no gat laip olsem yumi man. Olsem na long taim yumi laik dring, yumi mas tok olsem. "Bia em i no ken bosim mi! Nogat. Mi mas bosim bia na mi ken dring inap long skel bilong mi. Mi no ken abrusim mak na mi spak. Nogat." Sapos yumi tok olsem, orait bai yumi no inap

long bringim sampela hevi namel long yumi yet na long famili o olgeta arapela pren na wantok.

YU DRING, YU NO TING

As bilong dispela tok "bia i bosim yumi" em i olsem: Wanpela taim mi wantaim yangpela pikinini bilong brata bilong mi, mitupela i dring. Long dispela taim mitupela i dring 6-pela botol bia. Na mi tok, "Mi dring inap long skel bilong mi." Tasol pikinini bilong brata em i tokim mi, "Nogat. Sapos yumitupela i dring liklik tasol, bai bia i hariapim yumitupela long baim sampela moa. Olsem na yumitupela i mas dring planti." Na mi tok, "Yumitupela i no ken tingting long kaikai. Nogat. Yumitupela i spak pinis, olsem na yumi tupela i no ken tingting long kaikai. Nogat."

Mitupela i pinisim tru olgeta mani. Na bihain mitupela i no gat mani bilong baim kaikai na arapela samting bilong helpim bodi bilong mitupela. Olsem na mi save tru, long dispela taim bia em i bosim mitupela na kisim olgeta mani bilong mitupela.

(Lukim pes 20.)

Poto long lephan i soim nupela pasin bilong pati long planti ples. Bia na wiski nau i kamap olsem mani bilong baim o peim wanpela samting. Bipo ol pik na kina i as bilong ol kain kain bisnis namel long ol pipel. Ol draiva tu i laikim tumas long karim bia i kam.



P. Knorr Poto



*Mipela save kisim tasol ol bikpela naispela tomato
bilong wokim retpela Heinz tomato sos.*

**Heinz tasol i givim yu
kaikai i nambawan
na i redi hariap
na i kos liklik**

**Tingim oltaim
dispela nem Heinz**



Heinz

Em i swit moa.

5432

BIN EM I NAMBAWAN KAIKAI TRU

Man long raithan em i Anjelino bilong ples Boana na em i bungim ol mung bin long fam bilong ol Luteran long Gabmazung klostu long Lae.

Dispela kain bin em i save gro gut tumas long olgeta hap bilong nambis i no gat maunten i antap tumas. Em i save gro hariap tru tru, na i isi tru long bungim, na rausim skin bilong em.

Yu ken kukim gutpela kaikai tru long dispela mung bin. Yu ken tanim wantaim milis bilon kokonas o wantaim kumu o kain kain sayor.

Long Filipin Allan na long India na Indonesia ol pipel i save groim planti mung bin.

Mung bin em i wangepa kain bin tasol. I gat planti arapela kain na olgeta ol i gutpela kaikai tru i gat samting ol dokta i kolim protin. Dispela protin yumi mas gat insait long bodi sapos yumi laik gro gut o sapos yumi save wok hat.

Olkain bin i isi tru long putim i stap long haus inap longpela taim tru. Ol i mas

drai olgeta. Ol bin i gutpela kaikai bilong karim i go sapos yu wokabaut longwe rot. Ol bin i no save sting sapos ol i drai; na ol i gat kaikai bilong strongim yu.

Ol bin tu i save grisim graun. Rop bilong bin i gat ol liklik buk long en na ol dispela buk i wok long pulim wangepa marasin ol i kolim naitrojen i kam long win na i go daun long graun. Naitrojen i nambawan gris bilong graun.

Em hia sampela kain bin: pinat o kasang, soya bin, mung bin, na bin i gat wing.

Sapos yu laik planim sampela dispela kain bin, mobeta yu kisim gutpela sit o pikinini bilong ol pastaim. Yu go askim didiman o egrikalsa tisa long haiskul klostu long yu. Bai em i helpim yu.

Sapos yu no gat narapela rot long kisim ol pikinini bilong mung bin, orait, yu salim tupela 7t stem i go long LIKLIK BUK,

Box 1920, Lae na bai ol i salim wangepa liklik mekpas mung bin kam long yu na tu ol i skulim yu long pasin bi-

long planim.


Bihain long wan mun samting bai nupela LIKLIK BUK i kamaut na WANTOK niuspepa bai tok save long en.

WANTOK niuspepa i wok wantaim ol man bilong LIKLIK BUK bilong bringim gutpela save i go long ol pipel i wok na stap long ol liklik ples. Na tu dispela taim ol man i wok long raitim LIKLIK BUK long tok pisin.

Poto yu lukim long dispela pes i kam long man i papa bilong dispela buk em David Williams bilong Yunaitet Sios long Lae. Mipela tenkyu long em.


Dispela liklik stori bilong bin, em i kam long LIKLIK BUK tasol. Em i gat planti arapela stori moa long olgeta samting bilong wok gaden o wok fama o wok bulmakau na tu planti smatpela aidia bilong helpim yu yet long ol pasin bilong wokim haus na fiksिम olkain samting.

Soya bin i winim mit, pis, susu, na kiau long protin.



TOYOTA

WINIM OLGETA PMV LONG PNG



TOYOTA

ELA
MOTORS LIMITED

Burns
Philp
GROUP OF COMPANIES

Pangu Pati autim as tingting

Praim Minista, Mista Michael Somare, na lida bilong Pangu Pati, i bin autim ol as tingting bilong pati bilong em long Fraide, 7 Janueri. Dispela as tingting ol i save kolim platfom.

Long yia i go pinis Pangu i bin putim planti kibung long Port Moresby na Lae na Wewak na Mt. Hagen na Goroka na Kieta na Rabaul na Daru bilong bungim ol dispela tingting.

Long nem bilong Pangu, Mista Michael Somare, i bin tok pati bilong em i gat 4-pela as tingting, i olsem 4-pela lek bilong tebol. Em hia:

- (1) Yumi mas sanap long lek bilong yumi yet.
- (2) Bisnis bilong kantri i mas go het gut na pe i mas skel namel long olkain pipel.
- (3) Wok insait long ol viles na ples i mas go het.
- (4) Wok politik bilong ranim kantri i mas sanap strong.

Pangu i ting ol pipel bilong dispela kantri i gat sampela gutpela strong insait long ol. Em sampela hia:

Ol PNG i laikim tumas ol

famili bilong ol.

Ol i laikim tumas ol graun bilong ol.

Ol i laikim tumas ol solwara bilong ol.

Ol PNG inap mekim hatwok.

Ol PNG i gat pasin bilong sindaun stretim tok.

Tasol ol PNG i gat sampela pasin na tingting i pasim rot bilong ol. Em hia sampela:

- (1) Ol i save tingting long ol wantok na wanples na i no long kantri.
- (2) Ol i save tingting long tude tasol; maski long redim samting bilong tumora.
- (3) Ol i no save gut yet long pasin bilong ranim ol nupela kain bik-bisnis.
- (4) Ol i save hangamap tumas long ol arapela man: long gavman na misin samting.
- (5) Ol i aigris tumas long olkain naispela samting i kostim planti mani.
- (6) Strongpela dring i krungutim na bagarapim ol na i bringim planti wari.

GRAUN:

Graun i bilong ol pipel

stret. Graun em i mani bilong yumi. Pangu i laik stretim ol pasin bilong yusim graun na kisim bek graun.

EDUKESEN:


Pangu i laik bai olgeta yangpela pipel i ken go long skul inap long Fom 4. Pangu i laik bai olgeta man meri pikinini i ken rit na rait.

YANGPELA PIPEL:

Pangu i bilip ol yangpela pipel i givim strong long PNG. Pangu i no bilip ol yangpela pipel i as bilong planti trabel tasol.

LO NA ODA

Pangu i laik bai yumi no mas pret. Long dispela kantri yumi mas pilim bel isi long wokabaut nabaut long laik bilong yumi. Na yumi no ken guria o seksek long ol raskal o long ol spakman o long ol sangu-maman. Pangu i pilim ol pipel bilong ples yet i mas wari moa long bosim sindaun bilong ol manmeri nabaut long ol. Em i no samting bilong ol plisman tasol bilong stapim pait. Pangu i bilip yumi mas gat



Rait Onorabel Michael Somare

moa strongpela lo bilong bosim strongpela dring.

TRANSPOT:

Pangu i laikim moa rot yet, bai ol pipel long bus i ken bringim ol samting bilong ol i go long ol maket long ol taun.

RURAL HELT

Pangu i laikim moa et pos na helt senta. Em i strong tu long yumi mas pinisim dispela wari long ol yangpela pipel i hangre.

EGRIKALSA:

Pangu i laik PNG yet i groim inap mit na rais na arapela kain kaikai bai yumi no mas baim long arapela kantri.


OL HAUS:

Pangu i laik bai moa pipel insait long ol taun i ken baim na wokim haus bilong ol yet; na i no wet bai gavman na bisnis i mas givim long ol yet.

(Lukim pes 20)

JVC MUSICAL PLEASURE


wanpela bilong yu stret



9437



9303E/R



9302E/R



9425

Olgeta samting yu laik painim insait long wanpela kaset redio rikoda, em yu ken painim long JVC.

Ol i no hevi, ol i isi long karim nabaut. Na ol i gat gutpela lautspika tru.

Yu go lukim long Hagemeyer bai yu inap painim wanpela bilong laik bilong yu stret. Na em bai stap planti yia moa. Yu laik win, yu kisim JVC.

9302E/R For people with get-up-and-go. Rich, clear sound, automatic level control, variable sound monitor, built-in microphone, flexible 3-way power system.

9303E/R Sturdy radio cassette recorder with best quality, solid state sound reproduction. Automatic level control, cue and review facilities. Mike mixing with independent volume control.

9437 Eye catching 3 Band Radio Cassette Recorder. Push button operation, built in microphone, auto stop, tape counter, tone control, variable monitor mixing.

9425 Advanced Radio Cassette Recorder featuring 2 speakers, Powerful "5" woofer 2" tweeter cellular horn, input mixing, auto stop, tape counter, built in microphone, AC/DC operation, auto head cleaner.



DISTRIBUTED IN PAPUA NEW GUINEA BY HAGEMeyer (AUSTRALASIA) B.V.



For further information write to:-

P.O. Box 673, Madang
Phone: 822445

P.O. Box 63, Rabaul
Phone: 922633

P.O. Box 1428, Boroko
Phone: 25 6144

P.O. Box 90, Lae
Phone: 423200

Ol meri PNG redi long bikpela kibung

Ol eksekutiv ofisa bilong Nesenel Kaunsil bilong ol Meri i bin kibung long Port Moresby na i bin makim Ogas olsem mun bilong mekim bikpela miting tru bilong olgeta meri bilong Papua Niugini. Dispela miting bai ol i mekim long Lae, long 15 Ogas inap long 19.

Long dispela eksekutiv miting long Moresby i gat sampela meri vais presiden i sindaun arere long miting na harim wanem kain tok ol hetmeri i bin mekim. Ol vais presiden ya, ol i bilong

ol Niugini Ailans, bilong bikples, bilong Hailans, na bilong Papua.

Olgeta grup o lain o klap bilong ol meri insait long PNG ol inap long joinim dispela han bilong Nesenel Kaunsil bilong ol Meri i stap long provins bilong ol. Ol viles klap bilong ol meri, olkain grup meri insait long ol sios, olgeta lain meri i bung long helpim ol yet - ol dispela kain lain meri i welkam insait long Nesenel Kaunsil bilong ol Meri.

Long wan wan provins i

gat han bilong dispela Nesenel Kaunsil. Long Enga na Simbu provins tasol i no yet.

Ol hetmeri o eksekutiv bilong Nesenel Kaunsil i bin makim K2000 bilong helpim dispela bikpela miting i mas kamap long Lae. Ol meri bilong Morobe Provins yet bai redim ol samting bilong dispela kibung.

Long miting bilong en, Eksekutiv bilong Nesenel Kaunsil bilong ol Meri i bin tok orait tu long ol dispela samting:

- (1) Ol i mas makim wanpela eksekutiv ofisa bilong givim planti taim long ranim tru dispela Nesenel Kaunsil; na tu em i mas raun long olgeta provins na lukim na skelim wok bilong en.
- (2) Ol i mas givim sampela taim na stadi long soim ol meri olkain we bilong helpim wok na laip bilong ol long ples, pasin bilong pamim wara i kamap long ples, pasin bilong helpim kaikai bai i no ken sting kwiktaim.
- (3) Long wan wan provins ol meri i mas kirapim wanpela spesel wok. Bihain ol i mas ripot long en. Em i ran gut o nogat? Sampela grup meri i bin bungim mani bilong helpim dipatmen bilong haus sik i save helpim na strongim ol man i hangre. Sampela i bin kirapim smolpela bisnis.

(4) Ol het lida na eksekutiv bilong Nesenel Kaunsil bilong ol Meri i laik tu bai ol memba bilong wanpela provins i bihainim na i sapatim na strongim tok na tingting na wok bilong ol grup meri bilong arapela provins.

Wanpela eksampel, em i long helpim toktok bilong ol lain meri Tolai i laik sotim ol aua bilong baim strongpela dring.

Sapos yu laik save moa long dispela Nesenel Kaunsil bilong ol Meri,

orait, yu rait i go long:
Mrs. Tamo Diro
Dipatmen bilong Praim Minista
P.O. Box 6605
BOROKO

Na sapos yu laik save moa long dispela bikmiting ol i laik putim long Lae long mun Ogas, orait, yu rait i go long:

Ms. M. Gari
Morobe Women's Club
Lae



SINGER

*A Trademark of The Singer Company



PREN BILONG YU INAP OLTAIM



"Coke em i samting tru"



N.G.I. INDUSTRIES LAE, AUTHORISED BOTTLERS OF COCA-COLA AND FANTA.

SCHEDULE EFFECTIVE: 2nd January 1977
ISSUE NO. 17

Schedules, shown in this Timetable are based on the latest information available at the time of going to press and are subject to alteration without notice. All times shown are local times.



INTERNATIONAL

MONDAY		TUESDAY		WEDNESDAY		THURSDAY		FRIDAY		SATURDAY		SUNDAY			
FLT	DEP	STAGE	ARR	FLT	DEP	STAGE	ARR	FLT	DEP	STAGE	ARR	FLT	DEP	STAGE	ARR
PX2	0740	SYD-BNE	0755	PX6	0730	MNL-POM	1440	PX2	0700	SYD-POM	0940	PX10	1030	KOJ-POM	1740
PX2	0900	BNE-POM	1150	PX1	1600	POM-BNE	1845	PX9	1040	POM-KOJ	1610	PX1	1840	POM-BNE	2125
PX5	1315	POM-MNL	1610	PX1	1945	BNE-SYD	2205								
CF25	0630	SYD-POM	1210	CF25	0815	SYD-BNE	0835	CF25	0815	SYD-BNE	0835	CF25	0845	SYD-POM	1125
CF28	1345	POM-BNE	1635	CF25	0940	BNE-POM	1230	CF25	0940	BNE-POM	1230	CF25	0905	SYD-POM	1045
CF28	1740	BNE-SYD	2000	CF28	1345	POM-SYD	1825	CF28	1345	POM-SYD	1825	CF28	1345	POM-BNE	1635
								CF28	1740	BNE-SYD	2000	CF28	1740	BNE-SYD	2000
PX4	0715	CNS-POM	0935	PX3	1540	POM-CNS	1800	PX3	1745	POM-CNS	2005	PX4	0815	CNS-POM	1035
				PX4	1900	CNS-POM	2120								
FJ502	0620	POM-HIR	1310	PX11	0715	MAG-WWK	0810	PX8	1000	POM-KIE	1300	PX7	0700	HIR-KIE	0750
FJ501	1350	HIR-POM	1640	PX11	0850	WWK-DJJ	0855	PX8	1400	KIE-HIR	1650	PX7	0855	KIE-POM	1145
				PX12	1005	DJJ-WWK	1215								
				PX12	1300	WWK-MAG	1355								
				PX12	1415	MAG-LAE	1500								

B707

B707

F27

F27

DOMESTIC

142	0630	LAE-GKA	0910	145	0715	WWK-HGU	0805	142	0830	LAE-GKA	0910	148	0910	POM-GKA	1030
142	0830	GKA-HGU	1000	145	0825	HGU-POM	1000	145	1100	POM-HGU	1235	149	1050	GKA-POM	1210
145	1020	HGU-POM	1155	142	0930	GKA-HGU	1000	146	1100	POM-HGU	1235	150	1350	POM-GKA	1510
146	1340	POM-HGU	1515	145	1020	HGU-POM	1155	143	1255	HGU-GKA	1325	151	1530	GKA-POM	1650
146	1535	HGU-WWK	1625	146	1400	POM-HGU	1535	142	1455	LAE-GKA	1535	135	1355	LAE-POM	1500
				143	1525	HGU-GKA	1555	151	1555	GKA-POM	1715				
				143	1615	GKA-LAE	1655								
121	0730	WWK-MAG	0825	121	0645	MAG-POM	0820	121	0645	WWK-MAG	0825	121	0645	WWK-MAG	0825
121	0845	MAG-POM	1020	108	1000	POM-KIE	1300	138	0840	LAE-MAG	0925	121	0845	MAG-POM	1020
180	1100	POM-PNG	1135	112	1320	KIE-RAB	1440	121	1005	MAG-POM	1140	180	1100	POM-PNG	1135
181	1155	PNG-POM	1230	105	1510	RAB-LAE	1700	122	1415	POM-MAG	1550	181	1155	PNG-POM	1230
122	1415	POM-MAG	1550	135	1730	LAE-POM	1835	122	1620	MAG-WWK	1715	122	1415	POM-MAG	1550
112	0830	KIE-RAB	0750	163	0710	RAB-KVG	0755	140	0910	GKA-MAG	0840	142	0830	LAE-GKA	0910
106	0820	RAB-LAE	1010	163	0815	KVG-MAS	0825	149	1000	MAG-GKA	1030	142	0930	GKA-HGU	1000
162	1040	LAE-MAG	1125	163	0945	MAS-WWK	1105	149	1050	GKA-POM	1210	145	1020	HGU-POM	1155
								149	1350	POM-GKA	1510	146	1220	HGU-POM	1155
								143	1415	POM-HGU	1500	145	1020	HGU-POM	1155
								143	1610	MAG-MAG	1720	143	1340	POM-HGU	1515
								145	1625	GKA-LAE	1705	143	1535	HGU-GKA	1605
								143	1625	GKA-LAE	1705	143	1535	HGU-GKA	1605
								143	1625	GKA-LAE	1705	143	1535	HGU-GKA	1605

F27

F27



THE INVESTMENT CORPORATION OF PAPUA NEW GUINEA



MIPELA AMAMAS LONG WANTOK NIUSPEPA

MIPELA I HEPI YU GO BIKPELA NAU.



MIPELA TU I GO BIKPELA. YU LUKIM:

- * Mipela nau i gat 5000 pipel i gat sea insait long kampani bilong mipela. (Sampela i bosim mani bilong planti tausen pipel.)
- * Long yia i go pinis, olgeta wan handet wan handet sea i bin winim K12.00 winmani.
- * Dispela mani yu putim insait long Invesmen Koporesen Fan i save baim sea insait long ol dispela kampani hia:

ANGCO HOLDINGS (Goroka, Rabaul)
 AMALGAMATED PACKAGING (Lae)
 ANG HOLDINGS (Goroka, Banz)
 ACI - NEW GUINEA EXTRUSIONS (Lae)
 BURNS PHILP (17 branch stores)
 CIG BOUGAINVILLE (Arawa)
 CIG NEW GUINEA (Lae)
 GAS SUPPLY (Port Moresby)

ILIMO FARM PRODUCTS (Port Moresby)
 JOHN LYSACHTS (Lae, Rabaul, Port Moresby)
 MUNIER (Port Moresby, Mt. Hagen)
 MORGAN EQUIPMENT (Arawa, Rabaul)
 NEW GUINEA INDUSTRIES (Lae)
 COMMONWEALTH NEW GUINEA TIMBERS (Bulolo)
 WATKINS PROPERTY AND INVESTMENT CORPORATION (Port Moresby)

INVESMEN KOPORESEN FAN:

... EM I LUKAUTIM GUT MANI BILONG YU.

... EM I TILIMAUT WINMANI BILONG OL BIKPELA KAMPANI I GO LONG YU.

Sapos yu laik save moa long we bilong kisim winmani, yu rait long: Investment Corporation
 P.O. Box 155
 Port Moresby

NEM BILONG YU:

ADRES BILONG YU:

.....

HURE LONG AIR N



WANTOK NIUSPEPA I TOK AMAMAS LONG AIR NIUGINI
LONG NUPELA ROT EM I BIN PAINIM LONG FLAI I GO
STRET LONG JAPAN. BIKPELA 4-ENSTIN SMOKBALUS OL
I KOLIM 707, I SAVE KIRAP LONG PORT MORESBY NA
FLAI INAP 6 AUA HAP BILONG KAMAP LONG BIKTAUN
KAGOSHIMA LONG JAPAN. DISPELA BALUS I NO KISIM
WIN LIKLIK. NOGAT. EM I FLAI TASOL I GO.
DISPELA BALUS INAP KARIM 148 PASINDIA WANTAIM
NA I RAN MOA OLSEM 600 MAIL LONG WAN AUA.

AIR NIUGINI I BIN OPI
PASINDIA I LAIK FLAI
AMERIKA. OL I NO MAS
O LONG MANILA. NOGAT.
JAPAN NA I HAPIM ROT
LONG DISPELA YIA
STAT LONG FLAI I GO L
INDONESIA.

UGINI



DUPELA ROT BILONG OL
GO LONG YUROP O LONG
RE I GO LONG SYDNEY
U OL I FLAI I GO LONG
LIK.
BAI AIR NIUGINI I
HONG KONG NA LONG

HIA AIR NIUGINI I BEKIM TOK AMAMAS BILONG
WANTOK NIUSPEPA. AIR NIUGINI I AMAMAS LONG
LUKIM WANTOK NIUSPEPA NAU I KAMAUT OLGETA
WAN WAN WIK. AIR NIUGINI NA WANTOK OLGETA
TAIM I WOK WANTAIM. AIR NIUGINI I KARIM
WANTOK I GO LONG PLANTI PLES NA OLSEM
TASOL TUDE PLANTI PIPEL LONG PLES I SAVE
RIT. DISPELA I HELPIM KANTRI I GO HET GUT.

Pasto bilong Korea helpim ol Lutheran

Evanjelikal Lutheran Sios long Papua Niugini i laik skelim tingting na pasin bilong em.

Bai i gat tripela man i kam long arapela kantri bilong helpim ol long mekim dispela stadi. Wanpela em i wanpela bisop bilong Amerika, em i save wok long Malaysia. Na tu i gat wanpela loman bilong Australia. Na namba tri em i **PASTO WON YONG JI**.


Pasto Ji i kam long kantri Saut Korea long Asia. Em i bin kamap long Papua Niugini 5-pela taim pinis, taim em i seketeri bilong lukautim Asia na Pasifik insait long Lutheran Wol Federesen.

Las taim Pasto Ji wantaim 4-pela arapela save-man i bin kam glasim gut ol pasin bisnis bilong ELCONG. Tasol dispela taim ol i laik bai Lutheran Sios i lukluk long em yet, olsem Katolik Sios i bin mekim pinis tupela yia bipo, na ol kolim "selp stadi."

Pasto Theo Ahrens bilong Melanesian Institut long Goroka em i man bilong stiaim dispela bikpela wok insait long Lutheran Sios.

Pasto Ji bai lukluk gut na strong long olkain wok edukesen insait long Lutheran Sios. Em bai tis long Martin Luther Semineri long Lae inap wan hap yia. Em tu bai stiaim wanpela stadi ritrit bilong olgeta Lutheran misineri i kam long ol arapela kantri na i wok insait long Papua Niugini. Ol i wetim samting olsem 100 dispela kain misineri bilong Australia na Amerika na Jemani bai join long dispela stadi. Bai ol i tingting planti na paitim tok long dispela wari: Misineri i mas mekim wanem kain wok insait long PNG tude?

Pasto Ji i tok: "Mi man bilong narapela kantri; mi bilong ausait. Olsem i nogut, yupela i ting mi inap long stretim ol wari bilong yupela. Nogat. Mi ken tokim yupela tasol



Pasto Won Yong Ji

long kain kain save mi bin kisim long sampela arapela kantri. Yumi ken traime sapos sampela pasin ol i bin yusim i ken wok gut tu hia long PNG. Em tasol."

Pasto Ji i save wok wantaim het ofis bilong Evanjelikal Lutheran Sios na wok misin bilong ol - em long Bavaria long kantri Jemani long Yurop. Jemani em i as ples bilong

planti Lutheran misineri i stap long PNG nau.

Long Jemani Pasto Ji save wok long bungim wantaim olgeta Lutheran sios na wok misin i stap long planti kantri bilong graun. Bipo ol i save kolim Jemani "Sios mama" bilong ol. Nau nogat. Nau ol i save tok: "Jemani em i sios poroman."

Blakskin bisop bosim Rom komisin

Tok i bin kam long Rom, em hetkota bilong Katolik Sios, nau ol i bin makim wanpela blakskin Asbisop bilong Afrika long bosim wanpela bikpela komisin insait long het ofis bilong ol. Em i Asbisop Bernardin Grantin na i bilong kantri Dahomey long Wes Afrika. Em bai bosim Komisin bilong Jastis na Pis. Dispela komisin i gat wanpela han bilong en insait long Papua Niugini. I gat ofis long Port Moresby na dairekta bilong en, em i Pater Berard Tomasetti. OFmCap, bilong ol Kapusin Pater long Mendi, Sate Hailans.

Long dispela yia ol i bin prinim sampela hap bilong Baibel long 29 nupela tok ples. Inap nau ol pipel i skrapim 1,577 kain kain tok ples ol inap ritim wanpela hap Baibel o Baibel olgeta long tok ples bilong ol stret.

Buy the brand you can trust

maxell®



DISTRIBUTED IN PAPUA NEW GUINEA BY HAGEMeyer (AUSTRALASIA) B.V.

P.O. Box 673, Madang
Phone: 82 2445

P.O. Box 63, Rabaul
Phone: 92 2633

P.O. Box 1428, Boroko
Phone: 25 6144

P.O. Box 90, Lee
Phone: 42 3200



137	135S LAE-POM 1500	131	0700 LAE-POM 0805	131	0700 LAE-POM 0805	119	0600 KVG-RAB 0645	112	0700 KIE-BUA 0735
150	1540 POM-GKA 1700	136	1615 POM-LAE 1725	180	1100 POM-PNG 1135	113	0715 RAB-KIE 0835	112	0755 BUA-RAB 0850
131	0700 LAE-POM 0805	136	1615 POM-LAE 1725	181	1155 PNG-POM 1230	112	0840 KIE-RAB 1000	107	0855 KIE-POM 1135
136	1615 POM-LAE 1725	136	1615 POM-LAE 1725	134	1340 POM-LAE 1450	103	1030 RAB-POM 1245	108	1330 POM-KIE 1630
131	0700 LAE-POM 0805	106	1520 LAE-RAB 1710	106	1520 LAE-RAB 1710	102	1405 POM-RAB 1620	102	1405 POM-RAB 1620
136	1615 POM-LAE 1725	112	1445 BUA-RAB 1540	112	1445 BUA-RAB 1540	102	1650 RAB-KVG 1735	102	1650 RAB-KVG 1735
148	0730 POM-GKA 0850	123	0830 WVK-LAE 1000	131	0700 LAE-POM 0805	131	0630 LAE-POM 0735	163	0600 RAB-KVG 0645
148	0910 GKA-MAG 0940	133	1030 LAE-POM 1135	136	1615 POM-LAE 1725	190	0845 POM-DAU 1010	148	0805 POM-GKA 0925
148	1000 MAG-GKA 1030	136	1615 POM-LAE 1725	191	1040 DAU-POM 1205	143	0945 GKA-LAE 1025	163	0705 KVG-MAS 0815
148	1050 GKA-POM 1210	102	1405 POM-RAB 1620	107	0925 KIE-POM 1215	136	1615 POM-LAE 1725	163	0835 MAS-MAG 0945
150	1350 POM-GKA 1510	102	1650 RAB-KVG 1735	102	1650 RAB-KVG 1735	140	1540 LAE-GKA 1620	122	1415 POM-MAG 1550
130	0600 POM-LAE 0710	103	0730 RAB-POM 0845	119	0600 KVG-RAB 0845	185	0735 RAB-HKN 0825	149	0840 GKA-POM 1000
106	0740 LAE-RAB 0930	132	1030 POM-LAE 1140	113	0715 RAB-BUA 0810	185	0845 HKN-LAE 1000	149	0840 GKA-POM 1000
103	1000 RAB-POM 1215	133	1210 LAE-POM 1315	113	0830 BUA-KIE 0905	100	1045 POM-RAB 1300	150	1350 POM-GKA 1510
166	1405 POM-HKN 1540	102	1405 POM-RAB 1620	107	0925 KIE-POM 1215	134	1400 POM-LAE 1510	150	1350 POM-GKA 1510
166	1600 HKN-RAB 1650	102	1650 RAB-KVG 1735	102	1405 POM-RAB 1620	140	1540 LAE-GKA 1620	151	1530 GKA-POM 1650
163	0745 MAS-MAG 0855	130	0700 POM-LAE 0810	130	0630 POM-LAE 0740	130	0700 POM-LAE 0810	130	1130 POM-LAE 1240
163	0915 MAG-LAE 1000	164	0840 LAE-HKN 0955	162	0810 LAE-MAG 0855	106	0840 LAE-RAB 1030	138	1310 LAE-MAG 1355
133	1030 LAE-POM 1135	164	1015 HKN-RAB 1105	162	0915 MAG-WVK 1010	105	1100 RAB-LAE 1250	138	1415 MAG-WVK 1510
134	1400 POM-LAE 1510	165	1135 RAB-HKN 1225	162	1030 WVK-MAS 1150	138	1320 LAE-MAG 1405	139	1530 WVK-MAG 1625
135	1730 LAE-POM 1835	165	1245 HKN-LAE 1400	162	1210 MAS-KVG 1320	139	1445 MAG-LAE 1530	139	1645 MAG-LAE 1730
138	1445 LAE-MAG 1530	138	1445 LAE-MAG 1530	162	1340 KVG-RAB 1425	137	1600 LAE-POM 1705	112	0700 KIE-BUA 0735
119	0600 KVG-RAB 0645	107	0700 KIE-POM 0950	112	0610 KIE-RAB 0930	108	1330 POM-KIE 1630	113	0615 RAB-BUA 0710
113	0715 RAB-BUA 0810	100	1045 POM-RAB 1300	103	1000 RAB-POM 1215	186	0800 POM-GUR 0935	112	0755 BUA-RAB 0850
113	0830 BUA-KIE 0905	113	1330 RAB-KIE 1450	108	1330 POM-KIE 1630	187	1205 GUR-POM 1340	113	0730 BUA-KIE 0805
107	0925 KIE-POM 1215	114	1510 KIE-BUA 1545	135	1530 LAE-POM 1635	186	0800 POM-GUR 0935	103	0920 RAB-POM 1135
108	1330 POM-KIE 1630	115	1605 BUA-KIE 1640	107	0630 KIE-POM 0920	187	1205 GUR-POM 1340	102	1405 POM-RAB 1620
131	0630 LAE-POM 0735	107	0630 KIE-POM 0920	107	0630 KIE-POM 0920	186	0800 POM-GUR 0935	102	1405 POM-RAB 1620
186	0800 POM-GUR 0935	186	0800 POM-GUR 0935	186	0800 POM-GUR 0935	186	0800 POM-GUR 0935	136	1615 POM-LAE 1725
187	1205 GUR-POM 1340	187	1330 GUR-POM 1505	187	1135 LSA-POM 1340	187	1205 GUR-POM 1340	187	1005 GUR-POM 1140

SCHEDULED FREIGHTER SERVICES

FLT	DEP	STAGE	ARR	FLT	DEP	STAGE	ARR	FLT	DEP	STAGE	ARR
2000	0630	POM-LAE	0755	2008	0630	POM-LAE	0755	2014	0630	POM-LAE	0755
2002	0700	POM-HGU	0910	2008	0900	LAE-MAG	1005	2014	0830	LAE-HKN	1010
2002	1000	HGU-GKA	1045	2010	1100	POM-LAE	1225	2014	1100	HKN-RB	1205
				2006	0630	POM-KIE	1030	2015	1300	RAB-POM	1630
				2007	1130	KIE-POM	1530				

ABBREVIATIONS:

- | | | | | | |
|-----------|-----|--------------|-----|----------------|-----|
| Domestic— | BUA | Medang | MAG | International— | BNE |
| Buka | DAU | Manus Island | MAS | Brisbane | BNE |
| Dary | GKA | Mt. Hegen | HGU | Cairns | CNS |
| Goroka | GUR | Popondetta | PNG | Djajapura | DJ |
| Gurney | HKN | Port Moresby | POM | Honiara | HIR |
| Hoskins | KVG | Rabaul | RAB | Kagoshima | KOJ |
| Kavieng | KIE | Vanimo | VAI | Manila | MNL |
| Pieta | LAE | Wewak | WWK | Sydney | SYD |
| Lae | LSA | | | | |
| Losuia | | | | | |

F27

F27

F27

F27

F27

F27

DC3

DC3

MIPELA

**PN
PG**

I TOK AMAMAS LONG WANTOK NIUSPEPA
LONG WANEM EM I KAMAUT
NAU OLGETA WAN WAN WIK.




WANTOK NIUSPEPA I SAVE BAIM OLKAIN SAMTING BILONG
OPIS BILONG EM LONG **PN**

NAU TU, BIKPELA SAMTING TRU EM HIA :

OLGETA TOK I KAMAP INSAIT LONG DISPELA NIUSPEPA,
EM MIPELA I SAVE RAITIM LONG BIKPELA NUPELA
TAIPRAITA YU KEN LUKIM LONG POTO ANTAP. DISPELA
KAIN MASIN YU KEN BAIM LONG **PN** ..TASOL. SAPOS YU
LAIK BAIM WANPELA KAIN TAIPRAITA, YU GO LONG

**PN
PG**

TASOL



MIPELA LAIKIM:

Olgeta yia nau 4-pela egrikalsa koles bai givim seti-fiket long 400 rural development ofisa. Egrikalsa o wok fama em i as wok tru tru bilong PNG.

MIPELA NO LAIKIM:

Pasin bilong O.M (Operesen Moderesen) long aut-im aida bilong em. I luk olsem wanpela trik. As tingting bilong O.M. em i gutpela. Tasol ating ol man i stiaim ol toktok bilong O.M., ol i no save tru long pasin na tingting bilong yumi PNG.

MIPELA I LUKIM:

Mipela i hatwok long painim sampela man bilong Irian Jaya stret long ol rot long biktaun Jayapura. Ol i stap we? Mipela i lukim ol Indonesia tasol i stap.

MIPELA I HARIM:

Klostu 5-pela taim long olgeta wan wan wik yumi ken harim nius i kam long liklik taun Wewak. Ating ol biktaun Rabaul na Lae na Madang i mangal long kisim kain NBC ripota ol i gat long Wewak.

MIPELA I AMAMAS:

Gavman i amamas long wanem dispela yia em i bin kisim moa inkam takis long ol arapela yia. Em i tok, pasin bilong bekim tok long inkam takis i moa klia na isi nau. Tasol mipela i ting WANTOK niuspepa tu i bin helpim liklik, long wanem em i bin soim ol man long pasin bilong bekim ol askim bilong gavman.

MIPELA I HIPURE LONG:

Wanpela lain skulboi i bin stapim wanpela pait long Wabag. Planti taim tumas ol man i sanap nabaut na i no traime liklik long stapim tupela man i laik pait, o pasim tupela paitman liklik taim inap bel bilong tupela i kol gen.

MIPELA I WARI:

Ol niuspepa na redio bilong Australia i save toktok planti tumas long ol pait long Hailans bilong PNG. Tasol yu lukim gut: long yia 1976 i no gat 20 pipel i bin dai long ol dispela pait. Na long ol haiwe yumi bin lusim klostu 250 pipel. Tasol watpo nius i save lusim ting long dispela samting?

YUMI MAS KAIKAI MIT O NOGAT

Nau ol saveman i bin painimaut, gutpela kaikai yumi save painim long mit, em ol i kolim protin, yumi ken painim mobeta long ol soya bin. Protin i stap insait long soya bin i winim mit tupela taim, i winim pis tupela taim, i winim kiau tripela taim. o winim milk o susu tenpela taim. Yumi ken groim soya bin long olgeta ples na em i kamap hariap. Em i kostim liklik. Ating soya bin yet em inap long stapim hangre bilong planti kantri na ples.



**DISPELA LAIN BUK I WIN MOA.
OL I BAIM 17,000 PINIS.**

Kisim Save Buk 1

Kisim Save Buk 2

Kisim Save Buk 3

4-pela Kisim Save Buk } OLGETA
 2-pela debuk } WANTAIM
 2-pela pensil } K 1.30
 1-pela asasaais buk } TASOL

(Bulk purchases: K1.00 per set.)

CHRISTIAN BOOKSHOP
Box 169, Wewak

CHRISTIAN BOOKSHOP
Box 78, Mt. Hagen

maxell®

LONG LIFE BATTERIES

**For all Transistors
Torches·Tape Recorders
& Record Players**

HAGEMeyer (AUSTRALASIA) B.V.

P.O. BOX 673, MADANG	BOROKO P.O. BOX 1428
Phone 82 2445	Phone 25 6144
P.O. Box 63, RABAUl	P.O. BOX 90, LAE
Phone 92 2633	Phone 42-3200

PAS I KAM LONG OL PIPEL

EM I LAIK BILONG WAN WAN

Dia Edita - Hia nau mi laik bekim pas bilong wantok ya Melchior Sofi i rait long pas i kam long pipel long mun Oktoba long de 39, ol i bin prinum. Em i bin tok olsem i no gutpela long ol manmeri long ples na taun i putim ol siot o singlis i gat tok olsem: "Jesus is your answer".

Na em i ting i no gutpela long ai bilong em, na nem bilong Jisas em i bikpela tumas. Na yu gat bikpela belhevi tumas.

Brata o wantok, mi ting sapos yu na mitupela kristen, yumi no ken sem long autim nem bilong Kraist. Dispela ol manmeri ol i putim olkain singlis olsem ol i gat tingting na ol i putim.

Na tu em i laik bilong wan wan, yumi man nating i no ken asim ol arapela brata, God wanpela i ken sasim ol. Yu tu i ken baim kain singlis olsem, nogat man i tambu long en.

Em i wanpela we long kain sain olsem long tokaut long gutnius. Ol man i bin prinum ol singlis olsem ol i no mekim nating. Ol sampela kristen i bin askim long wokim ol dispela kain singlis.

Jisas i as bilong olgeta samting. Sapos yu lukim wanpela i putim, watpo yu no go stret na tokaut long ai bilong en. Hei wantok mi no laikim yu putim

kain singlis olsem long ai bilong mi.

Nogut yu go long haus na wari na belhevi, na yu save lukim ol i salim ol liklik buk long ol taun na ol i no ting em i holi yumi no ken salim nabaut. Nogat. Yumi mas salim ol arapela.

Em i wankain long singlis i gat mining long en. Mi no meri bilong putim ol kain singlis olsem, tasol mi toktok long hap bilong ol man i save putim, na wanpela singlis i gat sain olsem: "One way" em ol i wankain.

Mi ting i gutpela long mipela i putim, i no gat tambu, laik bilong wan wan na ol i kisim long mani bilong ol. Yu no ken makim nem bilong God i holi olgeta. Yumi mas autim nem bilong God long olgeta man. Yumi no ken sem long autim, em i wok bilong yumi Kristen, laka?

Em tasol long liklik toktok bilong mi, tenkyu.

Lois Pokuk,
Wewak/E.S.P.

PASIM TINGTING GUT NA MARIT

Dia Edita - Nau mi laik autim samting i no stret long ai, o long filing bilong mi. Mi save lukim planti meri i save lukim planti man i gat bikpela mani liklik.

Tupela i stap inap olsem 4-pela, o 5-pela yia, na mani bilong tupela i pinis.

Na meri i lusim namba wan man long wanem, mani bilong em i pinis. Olsem na meri i ranawe i go long narapela man i gat bikpela mani liklik.

Em dispela pasin mi yet mi pilim olsem meri i no maritim man i nogat tru, em i maritim maniman. Mani bilong dispela man i pinis, i olsem man bilong i dai pinis. Olsem na em i go long narapela man gen.

Ol planti meri long Nu Ailan, mi save lukim ol i save mekim olsem. Dispela pasin i brukim lo bilong gavman long graun, na i go tu long bikpela papa antap long heven.

Kaspar Mijaka,
Dreikir/E.S.P.

NO KATIM GRAS BILONG WETKOT

Dia Edita - O Yes, nau mi gat wanpela liklik wari bilong autim long yupela. Yes, wari bilong mi i go long ol woda plis long Papua Niugini. Na wari, o askim bilong mi i go olsem:

Bilong wanem tru ol woda plis i save katim sot gras bilong ol wet kot long kalabus?

Na tingting bilong mi i go olsem: Sapos man i wet kot, maski long katim sot gras bilong em. Em i tru sapos man i karim taim, o kalabus olgeta. Em bai yupela i ken katim sot gras bilong em.

Em dispela tupela tok, yupela i mas tingting gut

long en. Sapos mi kalabus tru, em nau yupela i ken sotim gras bilong mi. Ating yupela i save rong long dispela kain pasin.

Mi bin tok olsem bikos mi pilim, na mi lukim tru long ai bilong mi. Mi bin painim long hap bilong mi long Lakimata, Wes Nu Briten Provins. Na long lukluk bilong mi i no gutpela tumas long dispela pasin.

Mi bin wet kot tu, na ol i katim sot gras bilong mi. Na taim bilong kot i kamap, mi bin baim kot na mi kam bek long ples wantaim gras i sot nogut tru. Olsem na mi wari na mi raitim pas i go long Wantok.

Sapos yu husat laik bekim toktok bilong mi. Yu ken rait tasol. Tasol mi ken bekim long yu tu.

Clement V. Sogi,
Kimbe/W.N.B.P.

SANDE LONG TAUN

Dia Edita - Mi save lukim planti manmeri insait long ol ples na tu long taun, ol i no save tingting gut long lotu.

Ol i tingting tumas long ol samting bilong graun. Sampela i gat bikpela bisnis na ol i ting long en tasol.

Tasol ol i no tingim bikpela, o man em i mekim kamap yumi long ol Sande bikpela de bilong lotu. Ol i no save go lotu, ol i kirap long moning na ol i waswas na putim gutpela bilas bilong ol.

Sapos yumi hambak long God, bai em i givim bekim long yumi hia long ples daun, bai em i mas givim bekim long yumi long taim yumi lusim graun.

John Soine, /E.N.B.P.

TU MINIT TINGTING

MAN I TINGTING LONG ARAPELA MAN EM I SAVE WIN

Ol i gat wanpela stori nating i go olsem:

Wanpela man, nem bilong em Makus i kamap long heven na em i askim hetman bilong heven olsem: "Yu ken orait long mi ken go daun long hel liklik taim tasol, na mi ken lukim ol man i mekim wanem samting long hel?" Na hetman i orait long em i ken go.

Orait, nau Makus i kamap long hel na em i lukim ol i mekim wanpela draipela pati. Namel long haus i gat wanpela longpela tebol moa, em i no inap lukim arere bilong en. Na antap long dispela tebol i gat olkain mit na sayor na kain kain kaikai i swit moa. Tasol olgeta man i sindaun klostu long tebol, em ol i bun nating tru na i hangre olgeta.

Makus i lukim olsem na em i kalap nogut. Em i askim hetman bilong dispela samting. Orait, bosman bilong hel i tok olsem: "Yes; i gat planti kaikai moa. Tasol i gat wanpela lo long hel: olgeta man i ken kisim kaikai long ol longpela fok tasol. Long bilong ol fok, em inap 2 mita. Ol man i no inap savolim kaikai i go insait long maus bilong ol wantaim kain fok olsem na olsem ol i hangre i stap."

Orait, nau Makus i lusim hel na i go bek long heven. Na olaboi, long heven tu ol i gat bikpela kaikai na pati tu - i wankain tru long dispela em i bin lukim long hel. Tasol olgeta manmeri nabaut long tebol ol i hepi na i fatpela moa. Olsem na Makus i askim bosman bilong heven: "Ol manmeri ya, ol i save kisim kaikai long tebol olsem wanem?"

Nau Makus i askim: "Olsem wanem na ol man long hel tu i mas kaikai long longpela fok na ol i dai long hangre. Na hia long heven ol i save kaikai wankain, na ol i fatpela?"

Bosman bilong heven i tok: "Long heven wan man i givim kaikai long arapela man, olsem na ol i fatpela. Long hel, wan man i ting long em yet . . . na olsem em i dai long hangre."

Man i tingting long arapela man, em i win.

BAIM WANTOK

Sapos yu wanpela yu laik kisim WANTOK niuspepa i kam long yu stret, orait, yu katim dispela tiket long sisis na salim i kam wantaim K8.00 na bai yu kisim 48 taims long dispela yia.

NEM:

ADRES:

Nau yu putim sek inap long K8.00 i go wantaim dispela tiket insait long wanpela skin pas na yu salim i go long:

WANTOK
BOX 396
WEWAK

Sapos yu laik baim moa olsem 10-pela WANTOK olgeta wik, mipela i gat spesel prais long dispela. Yu rait na askim mipela.

Taureka no laikim pasin turis

Minista bilong Infomesen, Dokta Reuben Taureka, i bin autim sampela tingting bilong em na gavman insait long wanpela kibung bilong plant yangpela pipel bilong Australia na Nu Silan na sampela arapela kantri bilong ol wansolwara bilong PNG.

Pastaim Dokta Taureka i bin autim tingting bilong em long turism, em i pasin bilong ol sampela manmeri bilong arapela kantri i kam lukluk raun long Papua Niugini - olsem ol i save mekim tu long olgeta arapela kantri long graun. Ol turis i save lukluk raun, na mekim poto, na baim ol kaving samting bilong kain kain kantri. Ol i laikim tumas long painim sampela kantri we ol pipel i gat narakain pasin bilong sindaun na wok na singsing na bilas. Planti ol pipel i gat mani long Yurop na Amerika na Australia na Japan i laikim tumas long kam lukluk raun long PNG.

NO LAIKIM TURIS

Tasol Dokta Taureka i no laikim dispela pasin


tumas. Em i pilim yumi PNG yumi sem long ol man i kam glasim yumi. Em i pilim yumi olsem ol kain kain enime i kalabus insait long bikpela gaden insait long sampela biktaun, na ol pipel i save kam lukim ol tasol - bikos ol i narakain tru.

Dokta Taureka i wari bikos long sampela kantrina long PNG tu - ol turis i bin stilim na baim olkain samting bilong ol tumbuna na kalsa bilong kantri na kisim i go longwe, na i lus long kantri. Na tu sampela turis i bin bagarapim ol hap bilong bus na wara we ol pipel i save painim abus bilong ol.

Olsem tokman bilong gavman, Dokta Taureka i bin tok, gavman i no wari tumas long pulim ol turis i kam.

REDIO NA NUSPEPA

Long dispela kibung long Bomana klostu long Port Moresby bikpela tok tru bilong Dokta Taureka em i bilong samting ol i kolim komyunikesen. Em i min pasin bilong toktok na rit na brotkas bilong kisim (Lukim pes 20)



Wirui Press i bin prinim olgeta WANTOK niuspepa long yia 1970 inap nau.

Wirui Press i tok amamas long WANTOK niuspepa i go het long kamap olgeta wik nau.



Wirui Press i save mekim olgeta kainkain wok bilong prin.

Yu ring long mipela long namba 86 2479.

Yu ken rait tu long P.O. Box 107, Wewak, E.S.P.

**WIRUI
PRESS**

(i kam long pes 19)

nupela save na givim aidia long ol arapela manmeri. Em i wok bilong ol redio na niuspepa. Dispela em i dipatmen Dokta Taureka i save bosim long gavman.

Em i tok, kantri i no ken go het sapos ol pipel i no save gavman i gat wanem aidia o tingting. Na ol pipel tu i mas gat rot bilong autim tingting bilong ol, bai gavman i ken harim. Yumi mas save tu, ol arapela kantri longwe i mekim wanem samting na i ting wanem samting. Na tu mipela i mas stori long ol long ol pipel na pasin bilong dispela kantri.

Sori tumas, tasol planti pipel bilong arapela kantri ol i ting yet, yumi ol pipel bilong PNG i save karim nabaut ol tamiok ston tasol. Na ol i ting mipela i wok long pait pait tasol.

Dokta Taureka i tokim

ol deliget bilong kibung olsem: hia long PNG namba wan rot bilong givim nabaut tok save na nius em i long redio. Ol niuspepa i go long ol saveman tasol. Ol man bilong bus na bilong ol liklik ples i no save ritim niuspepa. Tasol brotkas em i save flai i go long olgeta hap, na tu man i no save rit o rait i ken harim.

Planti taim ol kain kain dipatmen bilong gavman i paulim tingting bilong ol pipel. I gat planti kain man tumas i go skulim ol viles pipel. Ol i givim ol kain kain toktok long helt na wok fama na bisnis developmen na politik. Na ol pipel i harim na het bilong ol i raun na tingting bilong ol i pas. I olsem wanpela muvi yu lukim na ol piksa bilong em i no kamap klia, yu lukim ol kala, tasol yu no inap lukim ol mak bi-

long pes. Yu lukim planti taim na het bilong yu i pen.

Sampela deliget long kibung i bin askim Dokta Taureka long kain kain samting. Na em i bekim tok olsem:

OL MISIN

Mi amamas tru long memba bilong ol misin na sios i save mekim gutpela wok insait long ol liklik ples na hap bilong bus. Dispela ol misineri na saveman, ol i save sarap i stap na mekim wok bilong ol tasol. Ol i no singaut long bikpela pe. Ol i wok isi na samting bilong ol i go het; na ol i no les kwiktai. Gavman na misin i bung wok wantaim long edukesen na helt na egrikalsa na sosal wok. Mipela gavman i laik bai dispela pasin i go inap long-taim yet.

GLASMAN GAT WOK

Bihain Dokta Taureka i bin autim wanpela liklik tok long pasin marasin bilong PNG. Em i tok, ol glasman na posinman i save helpim tu ol sikman. Em i helpim tingting bilong ol. Insait long bikpela haus sik long Port Moresby, Dokta Taureka i bin tok, i gat planti dispela kain dokta bilong ples i raun nabaut na mekim wok bilong ol, na sampela tu i kisim pe long dispela wok. Tasol planti ol nes na dokta i no save tru long ol na wok tru bilong ol.



MASKI LONG LOKAL GAVMAN

Mista Gideon Apeng, memba bilong Huon Galp long Morobe Provins, i bin tokim Minista bilong ol Provins, Mista Oskar Tammur, planti pipel long dispela kantri i no laikim dispela pasin bilong lokal gavman. Em i bin askim Mista Tammur long painim wanpela nupela we. Na Mista Tammur i tok, em i orait sapos ol pipel i laik painim nupela kain we. Ol i mas tingting na autim laik bilong ol. Em i gutpela samting. Gavman i laik bihainim laik bilong ol pipel.

Minista bilong Pos na Teligram, Mista Kaibelt Diria, i bin tokaut long dipatmen bilong em bai lusim moa olsem K34 milien long 1976 inap long 1979 bilong bringim moa telipon insait long ol smolpela taun.

Long 1977 nau bai ol i wokim ol telipon masin i save ran bilong em yet long ol dispela ples: Wabag, Kavieng, Sapenamanda, Bereina, Lae, Kerema, Popondetta, Kagamuga, na Kimbe.

Bihain bai dipatmen i wokim ol nupela haus telipon long: Angoram, Aitape, Buka, Buin, Lorengau, Daru, na Waigani.

PANGU PATI TINGTING

(i kam long pes 8)

PROVINSAL GAVMAN:

Pangu i strong tru long skelim pawa bilong gavman, bai wan wan provins i gat planti strong long bosim hap bilong en yet. Na provins i no mas ol-taim wetim tok bilong bikgavman long Moresby tasol.

OL MERI:

Pangu i pilim olsem: moa meri i mas kam insait long wok politik, na wok bisnis na pablik sevis.

AUSAIT BISNIS:

Pangu i pilim, em i orait long sampela bikpela kampani bilong arapela kantri i ken kam insait na wok long PNG, long wanem ol dispela kain kampani i givim wok long ol pipel na i bringim winmani long han bilong gavman.

OL KRISTEN SIOS:

Pangu i laik bai olgeta kristen sios i bung wok wantaim gavman. Tok kristen o relisen i mas stap insait long ol skul. Pangu i amamas long lukim gutpela wok ol misin na sios i bin mekim long ol skul na haus sik na ples.

AMI:

Ami bilong PNG i tambu long goaut na helpim pait bilong ol arapela kantri. Em i samting bilong ol.

Mista Somare i tok, Pangu Pati bai tokaut gen long wan wan we em i laik yusim bilong helpim ol dispela as tingting bilong en. Nogut em i autim olgeta tingting nau. Taim ileksen i kamap klostu, bai Pangu i autim wan wan aidia bilong em.

STORI BILONG DRING

(i kam long pes 5)

Yes, olgeta Kristen papamama na brata na susa na kandere, hevi bilong dring bia em i stap long ples klia tru, na yumi olgeta yumi lukim. Yumi manmeri bilong Papua Niugini yumi save kaikai buai. Na long bung bilong yumi man, yumi no save kaikai buai na i no gat malolo. Nogat. Yumi save kaikai buai na malolo na toktok na kaikai sampela arapela kaikai na dring kolwara, na bihain yumi kaikai buai.

Olsem na bilong wanem yumi no bihainim wankain pasin long taim yumi dring bia? Sapos yumi mekim olsem, ating bai yumi no inap spak. Nogat. Tasol ating yumi laik tru long spak. Olsem na yumi save dring bia tasol. Planti spakman ol i no save kaikai sampela gutpela kaikai inap long wanpela o tupela de. Ol i save dring bia ta-

sol. Long wanem: ol i laik spak tasol. Ol yet ol i laik long bia i bagarapim ol, na ol i mas kamap spakman tru.

O ol Kristen. Yumi mas pret long mekim tok nogut na mekim pasin nogut long ai bilong God. Mi save tru sampela man ol i save spak na ol i save kolim nem bilong God na mekim tok nogut na bagarapim nem bilong God. Jisas yet em i tok olsem, "Tasol mi tokim yupela, olgeta toktok nabaut ol manmeri i mekim, bambai God i askim ol long dispela ol manmeri. Long tok bilong yu yet bambai God i kolim yu stretpela man. Na sapos nogat, bambai long tok bilong yu yet em i kolim yu man nogut."

(Matyu 12: 36-37).

Jauna Koiti
N.G. LUTERAN

VEGEMITE

NAMBAWAN KAIKAI WANTAIM BRET NA BISKIT

059PI336


STORI TUMBUNA : RAUNWARA KAMAP LONG GRIS

Bipo tru wanpela man wantaim wanpela meri tupela i stap long wanpela ples em tupela i olsem susa na brata. Meri i wok long gaden long planim kain kain kaikai long gaden. Na brata bilong dispela meri i wok long painim kapul long bus. Na olgeta taim tupela i mekim olsem tasol. Na tupela i stap long dispela ples.

Na wanpela taim dispela boi i tokim susa bilong em olsem nau mi go painim kapul long bus na yu stap long haus. Em i tok olsem na boi i go long bus. Taim tupela i wok lukautim, wanpela pik tu i stap. Na dispela pik i bikpela moa i stap. Na dispela pik i bikpela moa i stap. Na tupela i lukautim kapul long bus na em i kilim wanpela kapul klostu long gaden. Na em i putim long rot na em i go painim kapul gen long bus.

Dispela kapul pastaim boi i kilim pinis long en na boi i putim long rot na em i tanim kamap olsem brata bilong meri ya. Em i kisim mak stret bilong brata bilong meri i stap long en. Na em i mekim sempasin wantaim meri, na kapul ya i go bek pinis na meri i sem na i krai i stap.

Bihain brata tru bilong meri i kam na em i bin kilim planti kapul na karim i kam long susa bilong em. Na susa i kros i stap na brata i askim, yu kros long wanem mi karim kapul i kam ya. Yu kam na lukim. Susa i no mekim wanpela tok. Em i kros i stap na brata bilong meri ya i



mumuim kapul pinis na meri i no mekim wanpela tok. Em i wok long kros i stap yet. Brata i askim:

Mi mekim wanem samting long yu na yu kros planti long mi? Na meri em i no bekim tok bilong em.

Kapul i bin trikim meri ya na meri i ting tru olsem brata tru bilong em i bin mekim sempasin long em. Na olsem meri i wok long kros i stap long brata, em i wok hat tru long askim i go. Na bihain em i kros na brata i rausim kapul na sampela em i skelim

na i givim long susa na em i no kisim na kaikai. Em i kros yet.

Na brata i tingting planti tru, mi mekim wanem long em na em i krosim mi? Brata i ting olsem na em i kilim dispela pik tupela i lukautim em long en. Brata i mumuim pik na i tan pinis na em i rausim na em i skelim gut na hap sait bilong pik wantaim sampela kapul em yet i kisim. Na sampela kapul wantaim narapela sait bilong pik em i givim long susa bilong em.

Brata ya i karim hap pik bilong em long solda bi-

long em na em i tokim susa bilong em olsem mi givim kapul long yu na yu no kaikai na mi givim pik long yu na yu no kaikaim em tu.

Orait, yu stap long dispela ples mi bai i go long narapela ples nau. Brata i tok olsem na em i kirap na wokabaut i go. Na susa i tokim brata olsem, yu mekim olsem long mi na mi no kaikai pik na kapul.

Boi i go yet na meri i bihainim em i go. Na man i karim hap sait bilong pik tu long solda bilong em na em i go longwe ples. Na em

i kamap long wanpela ples na em i sanap i stap.

Na boi i karim pik ya na gris bilong dispela pik i pundaun long graun na i mekim bikpela raunwara tru i raunim em. Na dispela gris pik i mekim dispela raunwara na susa bilong man i kam na em i lukim brata bilong em i sanap namel long raunwara na em i sanap arere long wara.

Dispela man i sanap namel long raunwara. Nau mipela kolim lpaper, em kapul i go trikim tupela na tupela i ranawe i go indai.

EM ASUA BILONG OL DRAIVA


Long yia 1976, long ol haiwe bilong PNG 4,803 birua i bin kamap na 207 pipel i bin lusim laip.

Ol plisman i bin painim 19,172 pipel i bin brukim lo long ol haiwe na rot.

Ol biktaun nogut bilong draivim ka na painim birua em hia: Port Moresby, Lae, Mt. Hagen, Goroka.

Bikpela asua bilong ol draiva: ol i no bihainim tru ol sain bilong rot.

**Buy the brand
you can trust**



DISTRIBUTED IN PAPUA NEW GUINEA BY
HAGEMEYER (AUSTRALASIA) B.V.

maxell LN C90

Low Noise Cassette Tape



P.O. Box 673, Madang
Phone: 822445

P.O. Box 63, Rabaul
Phone: 922633

P.O. Box 1428, Boroko
Phone: 56144



P.O. Box 90, Lae
Phone: 423200

≡ KING FEATURES SYNDICATE ≡

The Phantom

®

By Lee Falk and Sy Barry



Misin wokim planti liklik bot

Inap long tripela yia nau Yunaitet Sios Teknikal Dipatmen i bin wokim ol smolpela bot long ples Salamo long Milne Be Provins. Long dispela hap, bot em i bikpela samting tru long helpim ol pipel bilong nambis na ailan i go i kam na i mekim wok bisnis bilong ol.

Olsem na misin ya i kirapim pasin bilong wokim ol smolpela bot inap 22 fit samting. Ol i bin painim dispela kain liklik bot em i win tru long helpim ol pipel.

Bot ya i no kostim planti mani. Skin bot nating, i no gat kebin na i no gat ensin, em i kostim K2000 tasol.

Em i gat gupela disel ensin long 12 hos pawa, na i isi tru long ensinia i ken lukautim. Na tu sapos ol i mas putim bot long draidok, maski, em inap long yu ken pulim i go antap long wesana bilong nambis tasol. Yu no mas baim spes long draidok.

Ol i wokim bot long strongpela plaiwut na em inap long ran long biksolwara. Na tu ensin i no save dringim planti bensin olsem autbot moto.

Woksap bilong Yunaitet Sios long Salamo i bin wokim 9-pela dispela kain bot pinis. Nau ol i wok long pinisim 5-pela moa. Ol kepten na boskru bilong ol dispela liklik bot, i amamas tru long ran bilong en. Ol i tok em strongpela bot tru na ol i bin raun long biksi tru i go long Trobrian Ailans na Alotau na Samarai na i no gat wanpela bot i bagarap.

Sampela taim dispela woksap i save wokim tasol ol skin bilong bot na ol lokal viles pipel yet inap wokim kebin na haus na putim ensin insait. Woksap long Salamo em inap long pinisim wanpela dispela kain skin bot olgeta tripela wik.

Sapos man i laik baim


Dispela bot yumi lukim long raithan em wanpela dispela kain misin i wokim.

Tupela man i bin bringim dispela bot long Milne Be inap long Port Moresby we wanpela WANTOK ripota i bin lukim na potoim.

wanpela dispela kain bot i redi pinis olgeta bilong karim ol pipel i go i kam, o narapela kain bilong pulim pis - bot wantaim ensin - tupela wantaim i kostim samting olsem K5,500.

Sapos yu laik save moa long dispela wok, yu ken rait i go long:


United Church Technical
Department
Salamo via Esa'ala
Milne Bay Province.



* Poto hia i soim MISTA MAX KEIPERT, sinia inspekta bilong Transpot Dipatmen long Australia, na MISTA PAUL ITAMA na MISTA MALA NATHANIEL, tupela ofisa bilong Papua Niugini stret i sanap harim na toktok long we bilong mekim i dai paia wantaim nambawan ofisa bilong Paia Sevis Skul long Australia, MISTA JOHN WALLER' Mista Itama i gat 22 krismas na em i bilong Port Moresby, na Mista Nathaniel i gat 34 krismas na em i bilong Maun Hagen. Tupela i bin go mekim kos long kisim moa save long we bilong kilim i dai paia i kamap long ples balus.




Australien Infomesen Poto, Eric Wadsworth



U.S.I.S. Foto

Long 20 Janueri MISTA JAMES CARTER (antap) i bin tok tru antap long kisim wok bilong presiden bilong Amerika. Em i winim ileksen long Novemba.

* Long poto daunbilo yumi lukim nupela bot bilong Papua Niugini ol i kolim JOSEPHINE SALI. Dispela nem Josephine em nem bilon piki-nini meri bilong MISTA BOYAMO SALI, na Gavman bilong Nu Silan i bin givim dispela bot long PNG olsem presen. Ol saveman bilong Nu Silan i bin wokim dispela bot long ain wantaim simen.



Australien Infomesen Poto, Bill Payne

Long poto antap, kirap long lephan yumi lukim MIS BAGE YOMINAO bilong Morobe Provins na MISTA MARKUS YAHAIPIIM i sanap toktok wantaim DOKTA PAUL SATCHELL klostu long Royal Prince Alfred Haus Sik long Sydney. I bin i gat 9-pela medikal studen bilong Papua Niugini Yunivesiti i go long dispela haus sik long Krismas holiide na lain long olkain wok marasin. Ol i bin lusim PNG long Novemba 15 na i kam bek gen long Janueri 5. Ol studen ya i bin pinisim 4-pela yia pinis long kamap dokta. Hia ol i go long kisim gut save long wanpela bikpela haus sik.



Nu Silan Infomesen Sevis